



Republika e Kosovës – Republika Kosova  
Paneli Zgjedhor për Ankesa dhe Parashtresa  
Izborni Panel za Žalbe i Predstavke

ZL.Anr.71/2017

**Paneli Zgjedhor për Ankesa dhe Parashtresa (PZAP)**, në panelin e përbërë nga gjyqtarët: Adnan Konushevcu kryesues, Gyltene Sylejmani dhe Afijete Sada-Gllogjani anëtarë, me pjesëmarrjen e Zyrtares së Lart Ligjore Florije Krasniqi, duke vendosur përkitazi me ankesën e Instituti Demokratik i Kosovës (KDI) me seli në Prishtinë, të cilin e përfaqëson sipas autorizimit Albert Krasniqi, paraqitur kundër subjektit politik Vetëvendosje (VV), me seli në Prishtinë, të cilin e përfaqëson sipas autorizimit Blerim Sallahu, për shkak të vendosjes së posterit të kandidatëve për anëtarë për Kuvend Komunal në shtyllë publike, gjatë fushatës zgjedhore për Zgjedhjet Lokale që do të mbahen më 22.10.2017, në seancën e panelit të mbajtur në prani të përfaqësuesve të palëve në procedurë, pas përfundimit të seancës, me datë 06.10.2017, mori këtë:

## V E N D I M

**REFUZOHET** si e pabazuar ankesa e Institutit Demokratik të Kosovës (KDI), me seli në Prishtinë, e cila identifikohet me shenjën ZL.Anr.71/2017, e datës 26.09.2017, me të cilën ka kërkuar që të ndërmerren veprimet ligjore kundër subjektit politik Vetëvendosje (VV), me seli në Prishtinë, për shkak të vendosjes së posterit në hapësirë publike-thyerjen e kodit të mirësjelljes për subjektet politike gjatë fushatës zgjedhore.

## A r s y e t i m

Instituti Demokratik i Kosovës (KDI), me seli në Prishtinë, ka parashtruar ankesë në PZAP, me datë 26.09.2017, me të cilën pretendon se gjatë monitorimit të fushatës zgjedhore për zgjedhjet lokale që do të mbahen me datë 22.10.2017, ka vërejtur një parregullsi të cilën e kanë evidentuar duke i bashkangjitur si dëshmi një fotografi, nga vendi ku pretendohet së është bërë, thyerja e kodit të mirësjelljes për subjektet politike. Në ankesë është pretenduar se në hyrje të fshatit Komogllav të Komunës së Ferizajt kanë hasur në pano të kandidatëve për anëtar të Kuvendit Komunal nga subjektit politik Vetëvendosje, të vendosura në hapësirë publike. Ndërsa në seancën e panelit për shqyrtimin e kësaj çështje juridike, me datë 28.09.2017, dhe në fjalën përfundimtare, përfaqësuesi i parashtruesit të ankesës ka deklaruar se, përkundër faktit se posterit në fjalë është i zgjedhjeve të kaluara parlamentare, mirëpo slogani i subjektit politik Vetëvendosje është “me zemër” e që është i njëjti edhe në këto zgjedhje, logoja e fushatës zgjedhore subjektit politik Vetëvendosje, është e njëjtë, posterit në fjalë nuk është tërhequr pas përfundimit të fushatës zgjedhore për zgjedhjet e parakohshme parlamentare dhe i njëjti është vendosur në hapësirë publike. Po ashtu përfaqësuesi i parashtruesit të ankesës në seancë ka theksuar se nuk kanë informata kur është vendosur posterit në fjalë, mirëpo e kanë vërejtur në kohën kur edhe kanë parashtruar ankesën. Me propozim për panelin që ankesa të aprovohet në tërësi si e bazuar.

Kryerësi i supozuar subjekti politik Vetëvendosje me seli në Prishtinë, si në përgjigje në ankesë ashtu edhe në seancën e panelit për shqyrtimin e kësaj çështje juridike, me datë 28.09.2017 dhe në fjalën përfundimtare, përmes përfaqësuesit të saj, mbetet në tërësi si në përgjigje në ankesë dhe se slogani i subjektit politik VV, në këto zgjedhje nuk është i njëjtë me zgjedhjet e kaluara parlamentare, ngase në këto zgjedhje slogani i subjektit të tyre politik është “voto me zemër e me mendje”, ndërsa në zgjedhjet e parakohshme parlamentare ka qenë “voto me zemër”. Kandidatet të cilët gjenden në panon e cila i është bashkangjitur ankesës, nuk janë kandidat që garojnë në këto zgjedhje lokale. Gjithashtu, ka theksuar përfaqësuesi i VV-së, se panoja është e vendosur nga fushata që ka pas të bëjë me zgjedhjet e parakohshme parlamentare. Përfaqësuesi i subjektit politik VV mëtej ka theksuar se nuk e kanë tërhequr posterin në fjalë pasi që mirëmbajtjen e hapësirave publike e bënë Kuvendi Komunal, në këtë rast Komuna e Ferizajit. Për më tepër fotografia në fjalë nuk e ka asnjë efekt për këto zgjedhje dhe ankesa është e pas afatshme sepse, panoja në fjalë ka disa muaj që është vendosur në të vend. Me propozim për panelin që ankesa të refuzohet si e pabazuar.

Paneli i PZAP-it, në këtë çështje juridike me qëllim të vërtetimit të plotë dhe të drejtë të gjendjes faktike shqyrtoi pretendimet e palëve në procedurë dhe provat si në vijim: shikoj dy fotografi nga vendi ku janë vendosur posterat.

Paneli, pasi që shqyrtoj pretendimet ankimore provat e administruar në kuptim të nenit 117 par.2 të LZP-së, gjeti se ankesa është e **pa bazuar**, për këto arsye:

Paneli, për të vendosur dhe pranuar një ankesë si të bazuar vendimin e tij e mbështet në dëshmi të qarta dhe bindëse siç përcaktohet me nenin 117 par. 3 të LZP-së, ndërsa në këtë rast parashtruesi i ankesës nuk e ka bindur panelin me pretendimet dhe dëshmitë e prezantuara siç është fotografia-posterin, se ka ndodhur thyerja e Kodit të Mirësjelljes për subjektet politike mbështetësit e tyre dhe kandidatët për zgjedhjet lokale që do të mbahen me datë 22.10.2017, sepse poster i ofruar si provë që pretendohet se është e vendosur në hapësirë publike, nuk ndërlidhet me zgjedhjet lokale, e që është në këtë kohë është duke u zhvilluar fushata zgjedhore, por poster i lëndore ka të bëjë më zgjedhjet e mbajtura parlamentare të datës 11.06.2017.

Në pyetjen e panelit në seancën e shqyrtimit të kësaj çështje juridike se kur është vendosur posterin në hapësirën që pretendohet se është publike, nga përgjigja e përfaqësuesit të parashtruesit të ankesës, rezulton se as ai vetë nuk ka informata se kur mund të jenë vendosur posterin në atë vend, por thekson se ata e kanë vërejtur atë poster në datën e parashtrimit të ankesës. Nga kjo paneli vlerëson se posterin në fjalë mund të jetë i vendosur që nga fushata për zgjedhjet parlamentare e që për këto zgjedhje lokale nuk e ka asnjë efekt, ngase kandidatët në atë poster nuk janë në garë zgjedhore në këto zgjedhje lokale dhe poashtu subjekti politik VV në zgjedhjet parlamentare ka garuar në zgjedhjet parlamentare me numër të subjektit 35 ndërsa në këto zgjedhje garon me numrin e subjektin 10.

Pretendimet e parashtruesit të ankesës në seancë e shqyrtimit të kësaj çështje juridike së është dashur të obligohet subjekti politik që ti largon posterat e zgjedhjeve të kaluara parlamentare

nga hapësirat publike, është i paqëndrueshëm ngase nuk është në juridikisionin e panelit dhe nuk parashihet me legjislacion zgjedhor, që urdhëron subjektet politike që ti largojnë posterat pas përfundimit respektivisht certifikimit të zgjedhjeve.

Nga arsyet e theksuar më e duke bazuar nenin 118 par.1 të LZP-së, paneli vendosi si në dispozitiv të këtij vendimi.

**Paneli Zgjedhor për Ankesa dhe Parashtrësia**

ZL. Anr.71/2017 më datën 06.10.2017.



**Kryesuesi i Panelit**

**Adnan Konushevc**

**Këshillë juridike:** Kundër këtij vendimi nuk lejohet ankesa konform nenit 118.4 të LZP-së.